



14575

III

kal.komp

P

maga

Lobzynski Jan Dionizii: Corona connubialis
sive Sertum Ludovici. Marianum.

PANEG. et VITAE

Polon. Fol.

№ 626



Corona Connubialis,

Siue

S E R T V M

LVDOVICO-MARIANVM,

Ex Natalitiis Coronæ Gallicæ Liliis

Et Auspicato Nomine

S E R E N I S S I M Æ

MARIÆ LVDOVICÆ

G O N Z A G Æ,

Montis Ferrati, CLIVIÆ, NIVERSII

Ducis & Principis

PARIS FRANCIAE.

SERENISSIMI & POTENTISSIMI

JOANNIS CASIMIRI

Poloniarum & Sueciæ REGIS,

Sceptri Torique Confortis Charissimæ.

Inter Nuptiales Vtriusque Maieſtatis Splendores

Non sine Faustis, Bonæ Spei, Prognosticis

Sub Auspicijs Polonæ & Mantuanæ Aquilæ

Apollinari manu contextum.


Anno à florido partu Virginis, M. DC. XLIX.
M. Sebastianus Kryslarog S. M. Doctor. Legavit p. B. thesaur. M. Mares V. thesaur.
C R A C O V I Æ.

In Officinâ Typographicâ Francisci Casarij, S. R. M. Typog. Anno D. 1649.



A D
S E R E N I S S I M A S
A V G V S T I S S I M O R V M
JOANNIS CASIMIRI
POLONIÆ, SVECORVM, GOTTORVM, VANDALORVM,
REGIS POTENTISSIMI.

E T
S E R E N I S S I M Æ
LVDOVICÆ MARIÆ,
PRINCIPIS MANTVÆ,
MONTIS FERRATI ET NIVERSII
DVCIS, PARIS FRANCIÆ,
POLONORVM ET SVECIAE
REGINÆ,
MAIESTATES.

 Vemadmodum Natales, ita & Connu-
bia Magnorum Heroum, Regum super
omnia, magnitudine sua, non sine futu-
ræ felicitatis indicio, (Solis ad instar,
qui internuntium suæ quoque Serenitatis radium
quoties exoritur, præmittit) eorūque se prodere
consueuerunt; vt nihil tam tenue, sapientissimis qui-
busque, hoc in passu videri debeat, quod in censum
magni alicuius augurii venire non possit. Et Nata-
lis quidem olim Tuus, S E R E N I S S I M E R E X, (cui
integra fronte etiam nunc occurrimus) prodigio

non caruit suo. Qui VERE ineunte, in lucem editus,
vniuersam Sarmatiam protinùs recreasti, vtpote
VER perpetuum Tuo non minus exortu, quàm Im-
perio Polonis aliquando futurus, vt iam tunc scire-
mus, temporis suffragium, sub Tuum Natalem, in
auspiciis fuisse. Et quia insuper Martialis Tu ipse
Princeps futurus eras, vel ideo & in Martio natus,
à quo & Fortitudinem; quemadmodum & à Sere-
nissimâ Matre Tuâ, Constantiam, felici sanè auspi-
cio promere hucusque non cessas, quam ad Supe-
ros, receptam constanti probitatis miraculo etiam
nunc reddis. Nisi quod & Connubium Tuum Re-
gale, VER habet purpureum, Maius siquidem

Genialibus annuit aris,

Maiaq; cum Violis, manibus dat LILIA plenis,

Coniungens AQVILAS AQVILIS, & LILIA SCIRPO.

Quæ omnia & singula Tuarum fortunatissimarum
Nuptiarum argumenta, dum nos quoque Eremitæ
Paulinæ, ac simul Clari Montis Religiosi Incolæ, &
quidem taciti contemplamur: Illico nos in augu-
ria excitari sentimus. Bonum omen, vndiq; siqui-
dem se produnt amenitates: vndiq; æquè Natalem
ac Connubium Tuum, VERNÆ circumstant Cha-
rites; & Cunæ & Thalamus tuus, VERNIS halant
odoribus, *Totaq; florigeris reuirescit gratia Tædis.*

Verùm enim uero ablit, vt sola prata Maiumve, ad
Genialem Tuum diem ridere, atq; floribus luxuria-
re campos dicamus, REX SERENISSIME, cum
pariter & omnium nostrûm animos, ad similes a-
moeni-

mocnitates videamus animatos. Siue enim quis Gē-
tilitia MAIESTATIS Vestrae Stemmata, siue Regii
Sanguinis inexhaustos splendores penitus inspiciat,
vbiq̃ue in eis, ac si in fertilissimo quopiam viridario

---- *Inscripti nomina Regum*

Nascuntur flores.

*Quos neque frigoribus Boreas, nec Sirius vrit
Æstibus, aeterno sed Veris honore rubentes.*

Vnde nihil est, quod MAIESTATES Vestrae, inui-
deant Hesperidum Adonidumq̃ue hortis, auriferis
licet sint consiti arboribus. Cū in vtrāque Pro-
sapiā Vestrā semper sibi compar ramus.

Primo avulso, non deficit alter

Aureus, & simili frondescit virga metallo.

Nisi quod Magno Sanguini, magna semper debe-
tur propagatio. Hinc fas non est, augure cælo,
Vestrarum quoque MAIESTATVM Connubium
futurum infæcundum. Qua in re sæculorum fi-
dem appello: O quam enim innumeri non Prin-
cipes tantum vel Duces, sed Summi quique Reges,
imo etiam quā olim Orientis, quā nunc Occiden-
Imperatores æquē in Tuum SERENISSIME REX
MANIPVLVM; ac in Tua SERENISSIMA REGINA,
LILIA, conuenerunt! vt non immerito idem Re-
gius qui & Mantuanus Pòeta, progeniem ex Mar-
cello aliquando prodituram prænuntians, purpu-
reos spargere flores,

& manibus dare LILIA plenis.

Anchisem voluerit. Præterquam quod ex eādē
radice Vestrarum quoque SERENISSIMARVM

MAIESTATVM, promanasse mihi videntur florida
Stemmata. Boni equidem ominis, quia Felicita-
tum fœcundissima Florilegia. Hoc ipso Rebus Pu-
blicis saluberrima, quia clades & funera non por-
tendunt. Regnatrice nimirum & Triumphatrice in
domo confita plantaria. Atque vertat hîc aliò Sty-
lum, Vates ille

Stemmata quid faciunt?

Hîc id non quærat; Neque enim est otiosa Rega-
lium Vestrorum Insignium coniunctio. Vbi Feli-
citas ex Felicitate provenit: Honores honoribus
aucti: Fasces fascibus occurrunt. Huic igitur Tan-
tæ & Tali, Regiæ Vestræ Felicitati, atque Coniun-
ctioni felici, post aliorum sublimes Lauros, nos vi-
cissim Eremiticum, ac ideo fortassis parum condi-
tum plausum, dare haud tardamus. Triumphatrici
MANIPVLO, necnon Ducalibus LILIIS (quibus
istum quoque satis per se exilem, ac si Syderibus in-
signimus Libellum) sub Auspiciis Lechicæ &
MANTVANÆ Aquilæ, Bonæ Spei Prognosticum
consecramus. Et certè in Nostrâ Religiosâ parsi-
moniâ, non aliud, Sacrà Regiâ Vestrà MAIESTATE,
digniùs inuenire potuimus munus, quàm MAIESTA-
TES Vestras, in Vestris Regalibus Insigniis, arca-
norum plenissimis, Vobis reddere. Nec decuit ali-
ter floridos Principes ornari, nisi vt ex ipsismet, ve-
lut ex ditissimis Florariis encomiorum sumeretur
celebritas. Quod ergo adspirârunt & inspirârunt
Vestra Regia Symbola, id eloquimur: Inanium si-
quidem

quidem est, aliunde emendicatis frugi honoribus,
cū pleni de se porrigant vberē prouentum. Hinc
& nos, frustra è longinquo quopiam cælo, aut etiā
à Sibyllæ foliis, alia, Connubio Vestro Regio ador-
nando elogia quēreremus, præter hæc, quæ sese no-
bis, in iisdem Regificis splendoribus deprædicanda
cornu diuite obtulerunt. Omnino SERENISSIME
REX, Coniugio Vestro Regali coronando apprimē
conuenientissima ornamenta, quia & publicæ læ-
titia fertilissima Pancarpia. MARIANI videlicet in
CLARO MONTE Cultores, ecquem magis, quam
Te Inclyte Regum, MONTIS Nostri CLARI, Maxi-
mum Optimum Patronum, tum verò & SERENI-
SSIMAM Tuam Consortem, Clarissimam inquam
MONTIS FERRATI & Mantuæ Ducem, LVDOVICAM
MARIAM, in Religiosis aut amoribus habeamus, aut
præconiis maioribus prosequamur? Ingenii itaque
amorisque, non fortunæ partū damus, potissimam
nostri portionem, tantò pretiosius obligatæ fidei pi-
gnus, quantò illud purius, à semetipso Religiosus de-
cerpit animus. Atque ex talibus, purissimis, inquam
cogitationibus, veluti fragrantibus violis, Nostrum
hoc quoque Apollinari manu, vt pote LVDOVICO.
MARIANVM contextuimus Sertum. Nisi quod & MA-
NIPVLVS odoratus, & LILIA fragrantia sentiri ma-
gis, quàm laudari possunt. Nata ornare cæteros,
non ornari. Vnde & longè pulchrius in Paradiso æ-
ternitatis, quàm in Musarum ingeniis, vt vernare, ita
& viuere consueuerunt. Ergo si quid siue è MANI-

PVLO, siue è Florum Principe, LILIIIS, per nos hac-
tenus est detritum; more Indorum, eundem MANI-
PVLVV & LILIA, per se ipsa formosissima (nimirum
DOMINVM MANIPVLI, & LILIORVM DOMINAM pla-
caturi) supplices, in genua ad venerationem positi,
obiicimus. Cæterum, ne quid pleno, erga Sacras
Vestras Regias MAIESTATES, affectui Nostro de-
sit, in supplementum Ciuilis huius Eloquentiæ, ad
Aram DIVÆ NOSTRÆ, per totam Europam cele-
bratissimæ, atque IAGELLONICÆ Domui sem-
per fauentissimæ Patronæ, piarum insuper ora-
tionum vectigal, pro incolumitate Sacrarum Ve-
strarum MAIESTATVM, nos persoluturos, votiuo
officio, religioso obsequio, omni ære, omni nexu,
fidem omnis posteritatis obligando, & pollicemur,
& addicimus æternùm. Cæterum, ô Gemina Or-
bis decora, dum in manus, Sacrarum Vestrarum
MAIESTATVM (quas & subiectissimè exosculor)
hanc quoque gratulatoriam opellam, offero, simul
& Montem nostrum Clarum, cum vniuerso Pauli-
norum Ordine, de manu in manum, sub Regiam
clientelam trado, suæ Parentis nomine, Filius.

Serenissimæ Vtriusque V. R. MAIESTATIS

Deuotus & humilis Exorator

F. IOANNES DIONYSIVS ŁOBZYNSKI,
Ordinarius Prædicator in Monte Claro
Częstochouiensi.



PANEGYRICVS
AQVILÆ MANTVANÆ
ET LILIORVM
SERENISSIMÆ REGINÆ
PARIS FRANCIÆ
REGALIVM INSIGNIVM.



Vgusta Nuptiarum, Sacræ Regiæ Vestræ
MAIESTATIS, Magnitudo facit, vt angu-
stia animi calamiq̃ue mei, Laconico Ap-
plausu expleri nequaquam possint. AQVILÆ
nimirum MANTVANÆ, LILIORVMQ.
Gallicanorum, cum AQVILA Polonâ & MANIPVLO
Regio, quasi in vnum Connubium contracta Maiestas,
dum attonitos incurrit in oculos, ita distrahit cogitatio-
nes meas, vt nec totam animo complecti lætitiā, nec
oculis vniuersam colligere hilaritatem valeam. Vsq̃ue
adeo dispersa in singula, Tuorum Insignium Regalium,
Elogia, nullibi mens sit integra, vt multa gaudio, plura e-
tiam admiratione amittat. Quæ quidem iactura, omni-
bus quibusuis pretiosis damnis, vt altior, ita & pretiosior
censenda. Ne tamen æquè Regalibus AQVILIS, ac ver-
nantibus LILIORVM Schemmatibus, sua deesse videan-
tur præconia; Ab hâc rerum non minùs, quam tempo-
rum iniuriâ, vtrâq̃ue ista Florida Stemmata, vindicare

auet animus. O quantum in publica optantium vota
abeo, vt (si quomodo) hæc ipsa lætitiarum, quia & amœ-
nitatum plenissima Diagrammata, si non pro merito dif-
ferendo æquare, saltem dicendo illorum non atterere de-
cora, mihi liceret! Cuius enim facundia sufficiat LILIO-
RVM, A QVILARVMVE laudibus æstimandis? aut quis
per eruditum Stylum, Principem Florum, Volucrumq;
Reginam, per Orationis ambitum circumducere præsu-
mat? Quæ vtriusque sit conditionis eminentia? Quales
& quam arcanae splendorum dotes? siue etiam luxurian-
tis naturæ, quasi in vnum compendium, in A QVILIS
inquam & LILIIS collectæ opes? Totum id non vnus
res est temporis vel ingenij, vt vel nudo intuitu suspician-
tur, nedum pro dignitate tractentur. Ætheris illam, quæ
beneficio alarum, superam vsque sub orbitam Solis, per-
meat Dominatricem; LILIA etiam pratorum Florum-
que Dominam, omnis eruditorum Schola asseuerat. Cõ-
genita in vtrisque elegantiâ, formâ, Meiestas; Non ad
oculorum illecebram, sed ad natiuam singulorum præ-
rogatiuam, quam à natura, siue verius Deo, A QVILA
inter Volucres, LILIA inter Flores; felici sane fato ob-
tinuerunt. Hinc Solis, A QVILA & LILIA, Filiæ esse
dicuntur. Iunoni LILIA, A QVILA Ioui ritu veteri
consecrata. Ita armis & fulminibus gerendis præficitur,
illa Aris imponitur. Quæ duo, ab Auibus & Floribus
desumpta, etsi, inter se disparata sint Symbola; in Te SE-
RENISSIMA REGINA Tuo Regali Connubio, raro
coniunctionis fœdere colligata esse video. Atque vel
ideo, adeo miraculosa Stemmata à me deprædicanda.
Quemadmodum & verborum honorem, ad hoc tantum
obsequium, vt floride decurrat, præstandum, sperare me
à suis auspicijs & A QVILA & LILIA è propinquo vo-
lunt ac iubent. Atque vtinam eiusdem vigoris cum A-
QVILA, candoris etiam cum LILIIS, calamum habere
possim!

possim! quò in exiguâ hac membranâ, ingentia **Elogia**
AQVILÆ MANTVANÆ, ac simul **LILIORVM**
GALLICORVM (quia & **PARIS FRANTIÆ** gratio-
sa sunt **Stemmata**) auspicatissimo **Connubio Regali** ad-
ornando, quò citius æternitati porrigantur, inscribam!

Atque vt inde ordiar; Absit, vt extraneæ opis leno-
cinio egeant prædicta Tua, **SERENISSIMA REGINA**,
Stemmata. Extra fatorum legem est, viuacitatis & viri-
ditatis illorum aspectabilis pompa. De quorum integri-
tate, nihil liuor, nihil edacissima sæcula vnquam delibâ-
runt. Executiantur **Fasti publicæ memoriæ**, & quid Ma-
iorum Tuorū virtus in **AQVILIS** & **LILIIS**, posterita-
ti laborauerit, prudens & erudita antiquitas edocebit.
Nunquam illi opus habent, cum **Aboriginibus suis**, **Deo-**
rum Sanguini, origines suas inuoluere, aut à tabulis, **Di-**
uinas rapere cognationes; cū ad laudem satis semper
fuerit **MANTVANÆ Genti**, ab **AQVILIS**; **NIVER-**
NENSI itidem **Domui**, etiam à **LILIIS** ortum ornatum-
que suum traxisse. Ergo dum cælestibus, **Aquila GON-**
ZAGARVM Genus, miscet splendoribus; **LILIA** insi-
mul **NIVERNENSIA** omnem, vetustæ eorundem **Stir-**
pis, magis ac magis illustrat splendorem, inuicem sibi hila-
ritate, mutuique decoribus arridentes. E cælis illa; è
terris ista sese simultaneè & adiuuant & ornant. En quam
felicia sunt fueruntque auspicia **Gentis Generisque Tui**,
SERENISSIMA REGINA! quæ cælestium & terrestriū
ornamenta in suum euocant suffragium, vt ita plus ful-
goris & amoris ab vtrinque colligant. Et quidem ab **A-**
quilarum generositate robur Martium; à **LILIORVM**
integritate, animi candorem, in suæ famæ & nominis glo-
riam pertrahunt. Vnde compar semper fuit, vt **AQVI-**
LARVM & **LILIORVM** ita & **Tuorum Maiorum** sem-
per viuida, semper viridis amplitudo; ac si **Aquilarum**
pulli, & **LILIORVM** alumni essent. Vna siquidem ea-

demque est in vtrisque, illis prærogatiua naturæ, quia & eadem in Maioribus Tuis præeminentia Sanguinis & Virtutis. Atque sic prælusit Aquila, sic alluserunt LILIA Familiæ Tuæ, vt Florentissimorum Aboriginum Tuorum imaginem tempestiuè præmitterent. Et quoniam Aquilæ, animo futuri erant, fertilitateque virtutum conspicui; In Aquilis conspici, in LILIIS depingi debuerant. Hæc ita mihi differenti, quam aptè hic singulos Auos, Abauos, Proauosque Tuos velut in Scenam, & tanquam Aquilas è nido, & tanquam LILIA è viridario producere possem. Nisi quod ad Solem nemo facibus vititur, sed nec vlla insinuatione opus habent, illi, qui tot sæcula floridè & fortiter viuendo exegerunt, quot & gesta heroica ediderunt. Non annis, sed virtutibus gloriam suam supputantes, vt Nepotibus quibusque seris, imitationis darent irritamentum. Quotusquisque enim Antecessorum Tuorum cum Aquilis non euolauit, ad altissima quæq; culmina honorum? aut Martium Campum cum LILIIS, non immutauit in Viridarium? vt nemo eorum extiterit, qui non cum Aquilis volatu certare, aut etiam pari passu currere ad gloriam; cum LILIIS etiam vernare & præclare gestis efflorescere ad laudem noluerit? Sed nec hucusque in tot Familiarum opulentissimis Nidis, Decorumque formosissimis Rosarijs adolescere desinunt. Sit satis dixisse, nec Aquilas MANTVANAS exactè numerari, nec LILIORVM NIVERNENSIVM Flores è dignitate explicari à quoquam posse. Quorum

Sine nomine nullum

Decidit in terram.

Verum, ne vniuersim AQVILAS cum LILIIS confundere videar; quæ duo inter aëreas Alites, & terrestria florum ornamenta, vel ipsa natura discretas Principes esse, voluit. Maeste igitur lætitiâ, ô calame, atque primùm. folius AQVILÆ MANTVANÆ Elogia excute, Ornitholo-

thologos consule, illi te edocebunt; Aquilam quamlibet, Principis cuiusvis absolutissimi, præclaram exprimere imaginem, ut quidquid operosis hætenus voluminibus, à doctissimis quibusque, de institutione Principum conscriptum est, totum id breui compendio in Aquilâ contineri, atque vel ideo Generositatis, Prouidentiae, Perpicacitatis, Amoris, Vigilantiae, Liberalitatis, Gratitude, Fortitudinis, Magnanimitatis, & similium heroicarum virtutum, genuinum refert Symbolum. Probè id nouerant Prædecessores Tui, vnde & omnibus his, Ducalibus, inquam, ornamentis, pectore suo, ac si gemmis obrizo auro, inclusis, sole clariùs fulgere voluerunt. Hæreditario nimirum iure Serenissimi MANTVANI Duces id decoris possidebant, ut cùm essent ab antiquo genere celeberrimi, multò magis ab animi bonis, prudentiâ, vigiliâ, munificentiâ, magnanimitate, fortitudine, & similium ornamentorum choragio, essent celebratissimi, omnisque virtutis seræ posteritati exemplum præberent. Ita ita Magnos quosque Principes, ad quorum multi flectuntur oculi, maxima decere, atque plurimis probitatis insignijs claros esse debere; Si perennitatis nomen mereri desiderant. Et sanè ausim iterato asserere: capaces fuisse Maiores Tuos omnium istorum decorum, ut nihil sibi arduum, nihil inuium, nihil inaccessum, more Gentilitiæ suæ Aquilæ, crediderint. Alis non indigebant, qui meritis attollebantur. Perpicax nimirum Aquila, nunquam nictante oculo, lucidam Solis Sphæram docuit eisdem intueri, nec alibi quàm in arduis honorum, excelsisque Dignitatum montibus habitare. At quæ excelsitas maior inueniri potuit vspiam, quàm sit fuerit vè Aquilarum MANTVANARVM, quæ in octo Paleologis Græcorum Imperatoribus, per ducentos fere annos, intemerata permanfit. Per Montis Ferrati Marchiones, tredecim: NIVERNENSIVM & Retelensium Duces

D

(qui

(qui & Pares Franciæ) duos; per Nuptialia Fœdera cum Lotharingiæ, Guisfiæ Ducibus; cum Bauariæ, Ferrariæ, Sabaudia Principibus, tum verò & cum inclytis Borboniorum, Nauarræ, Siciliæ, Hierosolymæ, Arragoniæ, Galliæ Regibus, & denique cum ipsis Austriacis Imperatoribus (quæ vnica Serenissima Domus, toto lucet sublimior Orbe) contracta affinitas, mirificè tandem amplificata, in altissimum ac fere inaccessum quendam excreuit montem. Atque hæc sunt ardua, hæc excelsa, quæ amant & incolunt Aquilæ MANTVANÆ. Nisi quod Ales quoque Polo Lechico ortus: æthera similiter libentius incolit, quam terras, atque pro innatâ sibi Libertate vel ipsis caput inserit astris, vt ita vicinioris solis lumen hauriat, quod postmodum in terras, suæ fidei commissas, benignissimâ Serenitate spargat. Coronarium & ipsa Regum Poloniæ decus ac ornamentum. Præterquam quod candida, & illa vnica, Polonis Regibus, Nigræ quatuor MANTVANIS Principib⁹ in Gentilitia cesserunt Stemmata. Virtus nihilominus eadem, *Roburque, fidesq₃*

omnibus vna.

Vnde & vires, & præsidium, mutuò sibi omnes spondent. Lechica quidem propter candorem, serenitatis prænuntia; MANTVANI Alites, quia & sui doloris, luculenti testes, ac vel ideo amictu lugubri induti. Extrema nimirum fata suorum Marchionum dolent, Stirpis vltimum excidium hocce mortuali colore testantur; Et quod caput est, propter viduatam potestatem vnâ tecum SERENISSIMA REGINA mærent, Vtpote quoties sibi

VLADISLAI dulcis Imago,

Et mentem rapit orbis amor, veterisq₃ recurSAT

Incorrupta fides animi;

toties graui dolore & ipsa correpta, immò corde suspiria, gemitusque pectore anhelos ducere coguntur. Atque hinc illis (fatis sic alternantibus) tristis habitus, nigrorque pluma.

plumarum erupit; Per omnia similis, Tuæ Sacræ Regiæ
MAIESTATI, cui quoque, toto hoc fatali anno, fuerat
atrata hæc pullaque vestis. Ecce verò, quæ Superùm est
benignitas, successu rerum nouitè firmato, atque Regalis
Connubij oborto radio, & Aquilæ Gentiles, & Tu Aquil-
larum, SERENISSIMA DOMINA, fauente cælo, iucun-
dè serenari incipis, Tibi enim Tuisque Aquilis.

Pronuba vultum

Pandit Eos, tensisque rubro super æthere flammis,

Illustrem roseo prætendit Lampada Phæbus.

Atque Tu illa grandis Nigrarum Alarum AQVILA, mi-
hi esse videris, cuius adeo ingentis mœroris, solus & vni-
cus VLADISLAVS REX, Solium Tumulo commu-
tans, causa extitit, vt Magnum Sydus Poloniæ, propter
ingentem vmbram, in obscurum hoc abires. Sed quo-
niam gaudio & dolori æqua cogendi vis inest; tolle iam
ac remoue procul istas nebulas, atque candorem cum can-
didâ Aquilâ Lechorum, quæ Te sibi nexu perpetuo qua-
si iterato, hilaris iungit, ô tandem indue! Prout iam &
prudens induisti, vsque adeo, vt dubium feceris, plusné
acceperis vmbrarum ab annuo Tuo luctu? an lucis ab ho-
dierno Nuptiarum die? Gaude itaque hâc Tuâ Sereni-
tatè, & Rempubicam nostram recreare nunquam desiste.
Tu verò ô Aquila æque Lechica ac Mantuana, sacro fœ-
dere interea coniunctæ, pari passu, felici volatu, inter al-
tissima syderum spatia, patentibus lætitiæ alis vosmet mu-
tuo librate. Assurgite, ô fortunati alites, quid amplius
hæretis? Quamcunque petere volueritis mundi plagam,
via patet. EVINCITE NVBES: transite maria; vltra
Triones patrios, vltra Solis Regiam excurrite: splendo-
rem ille, non exstinguet vestrum, quem perspicacibus ocu-
lis, quoties vultis, ebibitis. Orbem cum victorijs & trium-
phis cito obite. Nomen Genusque Polonum, qua con-
cordes estis, vltra Astra, vel si placet etiam inter ignes cæli,

nunquam extinguendam memoriam eorundem deponite. Ductor Vobis Comesque viæ fiet Imperiorum Supremus Imperator DEVS.

Verum enimvero quo tandem cum Aquilis abij? à Regalibus nimirum Alitibus, volens nolens longius me passus sum urgeri. Da veniam, SERENISSIMA REGINA, non meum, sed Tuarum Aquilarum impetum secutus, altius quam destinaueram, euolaui. Verum nec paterer adhuc me inde transferri, nisi me quoque vernantia Tua LILIA, suis cum Elogijs, ad se auidius pertraherent. Missis itaque laudibus Nidi Aquilini, ad Lilietum euoluendum, non otiosos conuerto oculos. O mihi gratissima, quia & formosissima LILIA! ô quantam argutiæ Vestrae, nitore suo, cumulant in corde meo abledationem! Violentum est imperium pulchritudinis Vestrae, quæ sola amorem & conciliare, & impetrare facile potest. Flos Vester vel ipsum Salomonem prouocat de gloriâ. Sæpe ex elingui quouis, disertum faciens Oratorem. Atque cum eiusmodi floribus, summa, Sacrae Tuæ Regiæ MAIESTATI est necessitudo, imo LILIORVM cum Symbolis Tuis, strictissimum propinquitatis vinculum. Omnino hunc adeo venerandû specie florem, par fuit Regio MANIPVLO coniungi. In quo pariter ac in Tuis LILIS omnia Basilica, Regalia omnia, in Solio non tumida, in Purpurâ non delicata, in Pace & bello salubria apparent. Ultra enim dena sæcula, Regalem per Sueciam, Daniam, Noruegiam, Gottiam, Vandaliâ, Thronum sublimis MANIPVLVS iste obtinuit. Tot Coronis, quot Aristis onustus, felicitatis æternæ illustris nexus, vel ideo quia & FASCIA AVSTRIACA illigatus. Mithridatico illo (qui frugibus aureis constitisse fertur) longè pretiosior, neque enim frugibus, sed Regibus constat. Verissimum pacis publicæ Apophragisma, Iagellonica Profapia Pignus charissimum, Poloni Orbis Sydus beneficum, qui suâ amplitudine &

Aras

Aras ornat, & Galeas illustrat, & Solia implet, Palladi &
Bellonæ gratissimus SCIPRVS. Atque cum hoc tanto &
Tali MANIPVLO. Fœdus iniuerunt Tua LILIA, Ô FLO-
RENTISSIMA LVDOVICA, à quibus par ornamentum
& emolumentum in simul, & habent & accipiunt. Et per-
tinebat fanè ad sortem LILIORVM, ne solitaria essent, cum
Sceptris, quib⁹ & orta sunt, felici Connubio vinciri. Post-
quam in LILIA Tua, omnes decores, tot Duces, tot Prin-
cipes transfudissent, necesse quoque fuerat, vt Purpuram
cum Regibus Polonis induerent. O LILIA benignissi-
mo cæli sydere afflata! in Regibus adorata! in Virginibus
consecrata, omnibus Rosis, omnibus Violis præferenda.
Cælitùs data ad ornandos Cælites, in flore; ad sananda
vulnera, in vnguento; ad liquandos succos, in aquâ odorâ,
& si quid indutria humana valet, etiam in Trophæa & Li-
liatos quo suis Colossos flecti non tardantur. En quot mo-
dis ludere non dedignatur lasciuiens naturâ in LILIIS,
quæ & Corculum Naturæ à Theophrasto, Plinio, Dio-
scoride appellantur. Te nobis, Tuasque Regali Maiesta-
te dignas dotes, ad viuum depingens, quæ vnâ cum LILIIS
sub Sole Gallico nata, ac tandem ad solum, imo ad Solium
Lechicum translata, Vtinam non infæcunda, æternare
nobiscum & velis & possis. Habent siquidem hoc peculia-
re, Gentilitia Tua LILIA. quod etiam à vitali radice auul-
sa vernare non desinunt. Viuas atque vigeas & Tu, diu
auspex, diu fospes ad gloriam, à Tuis licet Gentilibus ali-
quantò longiùs abiueris, nisi quod eo consilio ab illis quo-
que partibus recessisti, vt tamen à Magni Nominis Maio-
ribus non recederes. Qui cum non nisi Principes & Duces
essent, in Te Reginâ Nostrâ viuunt immortales. Atque
hæc Regalis Tua Dignitas, non fato Tibi aliquo obtigit,
sed maximo merito. Tam enim Tibi Fortunæ Numen
ignotum, quàm exploratum Dei, diuinitùs siquidem om-
nem supremam destinari potestatem, ex fide didicisti. Præ-

E

terquam

terquam quod bonæ huius rei, Prognosticū fecerunt, in-
simul Tibi pridem, Tua L I L I A, certissima Regibus inau-
gurādis Symbola. Quid enim est aliud Regius LILIORVM
flos? quam Regalis Maiestatis Prothyrum, Regnorum,
Gallici præ omnibus, Diuinum insigne? neque enim hu-
mano consilio, sed Cælestium beneficio, in Terras delatū:
Ab ipsis pene nascentis mundi cunabulis, in Moyſis cande-
labro, Salomonisq̃ Templo, Sanctissimis Religionibus,
cælitus consecratum donarium, quod ita amplexa est Co-
rona Gallica, vt Regem ipsorum in Suæ Maiestatis Thro-
no, ET IUSTITIÆ PVLVINARI (vt vocant) sedentem, sine
LILIORVM Insignijs, non magis, quam Solem sine luce, in-
tueri liceat. Hinc vbicunq; Regia Francorum Maiestas,
ius dictura constitit, ibi L I L I A radios suos in circumstā-
tes populos vibrare protinus est necesse. Quæ calcare per-
inde est, ac ipsam Regiam Maiestatem deterere. Hisce Tu
O L V D O V I C A Nostra (tanquam P A R F R A N C I A) atque
adeo admirandis gaudes Insignibus, & vel ideo omni
veneratione habita es semper dignissima. Iam verò si insu-
per hæc ipsa L I L I A, Oculum florum, Violarum gloriam,
Hortorum gemmam, & demum omnis pulchritudinis Ec-
typum appellauero; Insimul Te Liliatam Reginam ô quā
qualemq̃ nominabo! Annue, quæso, facilis atque ani-
mum oculosq̃ Tuos Regios, paululū adhuc aduerte, &
vide, quibus qualibuscūq; fulgeas Stemmatibus, quæ laudum
suarum Præconem habent, non Apollinem quempiam fa-
bulosum, sed C H R I S T V M æternam illam Sapientiam, o-
mnis facundiæ fontem, Verbum Diuinitatis plenissimum,
qui hæc ipsa L I L I A, Regis Salomonis vniuersæ opulentiae
præposuit, & meritò id quidem: Nullibi etenim facun-
diori splendore luxuriasse natura videtur, quam in L I L I I S,
vnde quidquid tandem delicatissimo splendoris flore sua-
uitèr enitescit, hoc à L I L I O, L I L I E T V M, quasi ex omni
genere præstantissimum dicere consueuimus, cuius vsu nō
modo

modo prophana quæuis recreantur, sed sacra ipsa ad venerationem excoluntur. Excelsa LILIORVM facies, Maiestate cinctum caput, argentorum folliorum striati Ordines, labia per ambitum resupina, in medio croceis aureolis stantia Sceptra, quæ omnia & singula LILIORVM decora, vi interni humoris, lineis aureis & argenteis in circuitum ductis, vel suâ sponte erumpunt. Quorum candore, nihil pulchrius, odore, nihil suavius, aspectu, nihil amoenius. Nisi quis forte Rosam Sapphonis, vel Anacreontis versibus decantatam, LILIIS esse parè contendat. Huic ego non multum aduersabor; modo LILIVM inter flores, Regias partes obtinere fateatur; tum verò & Rosam, huic veluti Reginâ, comitem adiungat. Verbo dicam Rex Regum, Flos Florum, est Flos LILIORVM. Sed nec est, cur me errori obnoxium quispiam faciat? si liberiùs iterum atque iterum asseuerauero, Gentilitium Tuum hoc Anadema, LILIATI Tui tam Imperij, quàm Connubij, genuinam esse Synthesim, felici quâdam præoccupatione in Mores, Genium, Fortunamque Tuam animitus influens, vt nec dici, nec esse potueris vnquâ, nisi LILIATA MARIA: LILIGERA LVDOVICA, LILIFERA REGINA. Quod ipsum quantum addat ponderis ad numerosum faustitatis Tuæ Connubium, non meâ id, voce iudicioué, sed fœderatâ Stemmatis & Generis Tui complexione, abundè docetur. Perge itaque felix. Et accessionē MANIPVLI, Regis Nostri Tuiq; vitæ Diuinis muneribus adauge. Et quib' iam, in tam opulentam AQVILÆ LILIORVMQ. Tuorū hæreditatem excreuisti, nouis splendoribus auctam, Superi insuper velint ac iubeant. Ipsa Te virtus Marte & Pallade obarmata, duxit in Sponsam, quia & REX MAXIMVS Optimus cessit in Magnum Sponsum. O Fortunata Nuptiarum Auspicia! Affulgete, ô candidi dies, Regalibus illustrati Tædis. Nulla caligine in posterum obruendi, quos sic & MANIPVLVS floridus, & LILIÂ semper vernantia serenant! O felicem ter & ampliùs Ma-

ium, qui tot felicitatibus, in tantam viriditatem lætitiāq;
excreuit! Ne pereas floride Mensis, ne effluas, ne labaris,
persiste, dura, perenna. Cæteri pereant, cedant cæteri; Tu
solus assurge, atque splendenti passu, nec immutato flore de-
curre. Atque hic nemo me intemperantem iudicet, dum
animum meum exultabundum in tam extraordinaria desi-
deria effundo. Plura desideraret quispiam alius, qui foret
in appetendo modestissimus. Ergo non votorum, sed ver-
borum termin' hic fiat. Quis enim inter tenues calami vm-
bras, (Vos Duo fulgentissima Orbis decora, Solis Lunæq;
adinftar fulgurantia, in vnum Connubij nexum hodie iun-
cta) immensæ Vestræ Maiestatis splendores compren-
dere præsumat? Itaque imbellis calame iam subsiste, longiùs
quò te exporrigas, non habes! A Q V I L Æ M A N T V A N Æ,
quin & Lechicæ; M A N I P V L V S itidem & L I L I A Serenissima-
rum Maiestatum, Regalia Stemmata, ipsa sibi sufficiunt ad
laudem. De quorum Insignium amplitudine tenuis & hæc,
exilisq; dictio nostra, vbertatem interea accepit suam. Quæ
omnia & singula dicta scriptauē, siquidem Reginalem non
attingunt Maiestatem, silentia satius, quam eloquia dicen-
da. Nisi quod vocalis lætitia, ruptis, Eremitici silentij, repa-
gulis, hunc quoque ingenij censum, in Sacrum Regiumq;
Maiestatis Vestræ Thesaurum, deuotione ingenuā depo-
uisse, non inglorium duxit. Igitur dum alia amœniora in-
genia, has Charitum & Regni delicias, Tua, inquam, S E R E-
N I S S I M A R E G I N A, florida Stemmata, amœniùs deprædica-
re satagunt, libens ac lubens illis campum cedo. Flectant alij
fospites, quotquot & quantum volunt, Tuis, S E R E N I S S I M E
R E X, futuris victorijs coronandis, Bellicas Lauros, sicut &
præsentib' Nuptijs ornandis, Connubiales decerpant Myr-
tos; alij etiam Pacis oleas, postes Hederis, Altaria verbenis
prætexant. Nobis Te, Tuumq; M A N I P V L V M, imo Regnū
vniuersum, Tuæ Serenissimæ Consortis L I L I I S coronasse
sufficiat. Quanta enim quanta est illa; tota est Gratiarum
Sertum,

Sertū, quò & Respub. vniuersa coronari, & nomina Regū,
nullis aduersorum fatorum lituris delenda, eidem inscribi, è
merito debent. Absit ergo vt Amori fictitijsq; Hortis He-
esperidum, quæpiam Sacrificia ab hinc faciamus, qui Te O-
ptimam, Maximam Reginam, in Tuis Gentilitijs Insignijs,
Florum & Amorum Reginam, gratulabundi, & humillimè
deprecatores veneramur. Neq; enim AQVILAS Tuas per
sublime alti ætheris volantes, tenui oculorum intuitu per-
sequi, aut LILIA Tua Regalia exili calamo deterrere, ampli-
lubet. Viuant illa non solùm in Flore, sed & in Prole, ô pe-
rennent! Videat longa feraq; Posteritas, & cum LILIIS re-
florescentem, & cum AQVILIS sese renouantem NIVER-
NENSEM & IAGELLONICAM gloriam. O Augusta Cælorū
Regina, cui DEVS ipse imputat genus, & suam sibi inscribi
Matrem, ne vota omnium nostrū repelle, quia Agnoni-
mis est tua, Regina nostra; Sed & tu cælis iam recepte Di-
uinissime CASIMIRE, Iagellonici Sanguinis, æquè ac Cæle-
rum, immortale Decus, Agnonimi itidem & Cōsanguine
tuo, SERENISSIMO REGI nostro, Sospes & Auspex, ne desit
Fatale tuum nomē semper fuit Schismati, exitiale fiat quo-
que modo, quando in monstra hæc Rebellium Lechicæ
noster Hercules, non sine Te, compare suo Theseo, moue-
arma. Tu illorum, cælestibus tuis radijs, intende lucem, quæ
tâ ad perstringendam (in circuitu omnium Regni Polon-
hostium) aciem, est necessaria. *Audi hæc Vota DEVS! Audi
Cælites, quia & iusta & pia sunt!*

Cæterum, ne quid pleno lætitiarū, Votorumq; nostro-
rum pelago desit; Pœticos insuper subtexere placet applau-
sus, vt parcè hætenus SERENISSIMÆ REGINÆ, à nobis la-
bata LILIA, liberior Pœsis, liberaliùs quoque, æquè in
LILIORVM ac AQVILARVM Elogijs sese ad-
huc explicet & exponat.



EMBLEMATICA POESIS

Serenissimæ Vtriusque
MAIESTATIS,
Et Connubij, & Regalium Stemmatum,
complexionem proponens.

Emblema I.

Vna LVDOVICA instar omnium.



*Discordes fuerant Iuno, Cytherea, Minerva,
Æneadum ingressæ, Priamidumque domos.
At postquam LVDOVICA, adiit Palatia Regis,
Perpetuò unanimes, fœdere, iunxit Amor;
Utque simul iunxere manus; Insignia iungunt,
Et fieri posthac, è tribus, una volunt;
Contulit hinc Oleam Pallas, Cyprisque columbam,
Lacte rigata suo, LILIA, Iuno dedit;
Cumque suis, pariter dotes, Insignibus; Orbem
Recturæ, Regi contribuere suas;
Regales, Regina Deum, largitur honores,
Doctrinas cerebro, nata virago, Iouis,
At placidos mores, animos pietatis amantes,
Et Charitum, & Venerum, dat LVDOVICA, decus.*

Emblema II.

Et Vigor, & Amoridem, Vtriusque.

*Candidus est Ales Regni: Niger, inclita, Gentis
O Lechicæ Princeps! Ales at, iste tuus;
Vibrat uterque tamen generosas desuper alas,
LILIA cum SCIRPO, fertque refertque simul.*

Sarmatico, Lechia est nidus; sed MANTVA, nigrum
Clara fouet, fidus seruus uterque Iouis;
Sitq̃ color, quamuis diuersus, robur utrique
Idem, frons, oculi, vigor, & unus adest;
Ite citæ volucres, pennis conuexa polorum
Scindite, virtus vos & super astra uehat.
LILIA cum SCIRPO pariter coniuncta ferantur,
'Regia, Regalis, LILIA, SCIRPVS amat.

Emblema III.

Et Pacem Bellona (Regi) dispensat, & arma.

E*N* *Volucris Volucris, regimen se iungit ad Orbis*
Sarmatici, auspiciū (sors bona) fata canunt!
Altera fert gladium; pueros gerit altera flores,
Altera conflictus, altera pacis amans;
Dum sese Sociam LVDOVICA Sceptriq̃ Toriq̃ue
Coniungit Regi, iungit utrumq̃ue decus.

Emblema IV.

Amor in melius amantem immutat.

S*tat clypeo Regina Tuò, Regina Volucrum,*
Nec tamen irato, porrigit arma, Ioui;
Arma quibus Danaes perrumpitur Ænea turris,
Gestat, amantis enim, sunt ea tela, Dei;
Ferrea, pectore sed medio, cor fixit arundo,
Fecit flammipotens, hoc quoque vulnus, Amor;
LILIA fert pedibus; validis spectatus in armis
Olim, non Iouis est, Pacis & augur Auis.
Aurea Pax redeat Lechico (Iouis armiger) Orbi
Hac regnante Deâ, factus Amoris Auis.

Emblema V.

Ex igne Vita.

Ex Lilijs Vitæ Odor.

P Hænix delictum Charitum, Venerumq; voluptas,
Et desiderium, blande Cupido, tuum;
Quem sibi prosternat nidum, ô quam sedulus instat!
Colligit & ramos, Balsamon ipse, tuos!
Cinnama, aromaticos pariter, quos India mittit
Clauiculos, nomen Caryophylon habent;
Ramis mox se his implicat, & sibi funera condit,
Ad Solem pennas, exerit atq; suas,
Parturiente rogo comburitur; unicus ales,
Dumq; perit, similis rursus ab igne redit;
Est quoq; Lechiadum Phænix, **LVDOVICA MARIA**,
Fulgens **LILIGERIS** prodita & ipsa plagis,
Regius huic Ales tribuit Parasimon honoris,
LILIA pro nido, sed **LVDOVICA** dedit,
Custus Amor, Volucris flammam succendit amoris,
Subijcis atq; facem, caste Cupido, tuam;
Ignibus his, Regalis Avis flammatur, & ardet,
Exustus, vitæ nec caret ille, suâ
Si causam rogitas, Aquilæ isti, feruor amoris,
Nil nocet, incendijs hisce nutritur amor;
Iam post hæc sileant Phænicis fata Poëtæ,
Laudibus, atq; Liris ferre, sub astra, suis,
Nidificant Aquilæ melius, quæis **LILIA** nidum
GALLICA strauerunt, vstulat at Cor Amor.

Emblema VI.

Sic in perpetuum.

G ONZAGAS Aquilas, & **GALLICA LILIA** iungis
Lechiacis Aquilis, ô **LVDOVICA** Potens!

G

Sar-




*Sarmatici Regis, stipant tua, LILIA, SCIRPVM,
Annulus atq̃ auro iungit utrumq̃ decus;
Sic in perpetuum, Regum sint foedera Sacra;
Aeternus, Socio robore, nexus eat!
Fata iugant Aquilas Aquilis, & LILIA SCIRPO,
Teque iugant Regi, Fata DEVSQUE simul.*

Emblema VII.

Diffita iungit Amor.

C*ognatas Heròum animas felicit in Orbem
Necit amicitiae; id dextera iuncta notat;
LILIA cum SCIRPO deuinxit tessera Amoris,
Annulus; Est Regum, par quia Connubium;
Hinc veluti geminae dextrae, & duo Stemmata secum
Iuncta manent, animae nam coière duae;
Et Sponsi & Sponsae, sic, Prosapia alta virescit,
Ut viret hic SCIRPVVS, LILIA utque virent.*

FLORILEGIUM
EPIGRAMMATVM,
Cum suis Allusionibus ad Nomen,
Mores, & Insignia Serenissimæ
REGINÆ.



Reginam Regalia Stemmata produnt.



*Vem peperit Alcmena Ioui, Deus esse nequibat,
Insita mortalis, semina, Matris habens;
Hunc Dîs, ut Consors fieret, Junonis ad vber
Applicat, ipse bibit, lac premit ille simul;
Elicitum hinc sponte fluit, quò lactea cæli
Semitæ fit Superis, quâ patet aula Jovis;
At verò qui Subiectos defluxit ad agros,
Progenit purus, LILIA pura, latex;
Naturamq; suæ retinent Altricis Alumni,
Quâ turgēt Genitrix, ambitione tument;
Vertice quando alto producuntur LILIA, regnant,
Floribus atque aliis, imperio esse volunt;
Ambitio felix, pariterq; utrinque beata,
Filla regunt flores: Juno regitque Deos;
LILIA fert Regina simul, pro Stemmata, Lechum,
Symbola digna, sui Nominis, illa gerit;
Tessera sunt Regni, Regum ac Anademata; flore
Non nisi Regali debet & illa coli.*

Serenissima Regina **LVDOVICA MARIA**
Rosarum & Liliorum Pancarpium.

LILIO-Narcissus **LVDOVICA** es, Nympha Lechorum,
Per tua membra, Rosas, undiq; spargit Amor.
Spiritus iste tuus, roseum diffundit odorem.
Pro verbis loquitur, lingua diserta, Rosas.
Et video, quocunque tuos despectis ocellos,
Tanquam sub gemino, surgere sole, Rosas;
Et rubor exornat Roseus, faciemque, genasque,
Et Roseus, toto vernat in ore, color;

Finque

*Inque sinum gremiumq; Rosas pròpe colligis omnes,
 Dextra fouet multas, ipsaq; læua, Rosas;
 Ergo Rosis cum tota fluas, cur LILIA gestas?
 Ex GALLICANO Climate missa, refer?
 Accipe, quisquis me Reginam nouerit esse,
 Noscat habere idem, Stemmata Regifica.*

In Serenissimâ Reginâ LVDOVICA MARIA,
 Amori & Candori omnia consecrata.

LILIA deliciis hominum cataplasma ministrant,
 Gaudet & unguentis delitiosus amor;
 Candidulis albescunt hæc folijs, candore corruscant
 Verus Amor; fragrant LILIA, fragrant Amor;
 Mollis Amor, sunt mollia LILIA, votus Amori
 Flos hic; Amor flori, votus & ipse, suo.
 Hoc LVDOVICA suo est Regi, quam LILIA adornant,
 Et Regno & Regi, Stemma ab amore datum.

Pietas Serenissimi Regis, nonnisi LILIIS
 coronari debuerat.

Quo caput Inuicti Regis perfunderet, unguen-
 Remigio, Æthereum; Sacra Columba tulit;
 Quodsi Maonio quicquam fas credere Vati,
 Porrigit Ambrosiam, pura columba, Ioui;
 At Tibi, quem Superis æquat Suprema potestas,
 Quemq; Ioui confert, summus honoris apex.
 Quis dabit unguentum? dulcem, ambrosiamq; vicissim,
 Aut redolens nectar? LILIA sola dabunt;
 Quò Tua se Pietas, totum diffundat in Orbem,
 LILIA pro Ambrosiâ, dat LVDOVICA Tibi.

LILIVM florum, LVDOVICA Polo-
 norum Regina.

LILIVM odore Rosas vincit, flos æmulus albo
 Lacti, parq̃ Nivi, par nitidisq̃ polis;
 Dij cuncti hunc optant, calyces diffundit in orbem,
 Celsus, & auratis ille nitetq̃ue crocis,
 Denticulis se per gyrum flos iste coronat,
 Ad laudem hinc, Charites prouocat, ille suam;
 Omnibus excellens, vna hæc, hortensibus herbis,
 Principis huic dotes, ingeniumq̃ datum;
 Flos insigne Ducum, Regum, Sceptriq̃ue, Thronique,
 Hæc Regina Lechûm, Regia signa, refert;
GALLICANIS olim vernantia LILIA pratis,
 Ast nunc Sarmaticus, LILIA, campus amat.
 Lacte, Nive, atque Rosis melius stellisque coruscant,
 Principe cum Dominâ, splendidiûsque micant;
 Juno Parens & Amica Venus secedite, prorsus
 Exsuperant vestras, LILIA nostra, Rosas,
 Candorem roseum, atque niuis, lactisque nitorem,
 Nam LVDOVICA potens, vincere sola potest.
 Lechiadum in Regno veluti Astrum, quando nitescit,
 Cælicus huic, cedit Phosphorus ipse, locum.

Poloni Regni cum 'MARIA LVDOVICA,
 Venetorum adinstar, cum suo Adriatico Mari
 renouata Desponsatio.

ÆGyptus facunda colit pro Numine Nilum,
 Et Xanthi gelidas Phryx veneratur aquas.
 Cydnus apud Cilices, Diuino fulget honore,
 Insuores Astris, inferuere Padum;
 Festa niger celebrat, fluuij cognominis, Indus,
 Romanos Tybri sacrificasse ferunt;
 Quemque bibit, Superis accenset, Persa, Choaspem,
 Estque ipsis etiam, Styx reuerenda, Dijs;
 Vnius, vna Dei cultrix, sed terra Polona,
 Sincera laudem Religionis habens;

Abſit

*Absit VISTVLÆ aquas se complectentis adoret,
 Nympha alia est, grates, cui Lechus ultro refert;
 Tu MARIA, es placidum MARE, Fulgens Nympha Polona.
 EGALLICANO, ceu Venus, orta Mari.
 Virtute ac formâ excellens, Heroidas equans
 Quasuis ingenio, nobilitate Deas;
 Vandatici, Regina, Maris, Tu Nereis; Orbi
 Peliden Arctoo, mox paritura, nouum.
 Hinc nomen sortita Maris, Noua Nympha, tulisti,
 Talem Te siquidem Lechicus Orbis amat.
 Huic Arrham ut Sponsæ prabet, de nomine Sponsæ,
 Qui Tibi dat casti, pignus Amoris, Amans.
 Accipe tranquillo, Regalia munera, vultu.,
 Castaque Regali, dona reconde, sinu;
 Accipe vota simul, quæ gratans spondet in æuum
 Atque Tibi, ut MARIAE, Lechia mittit, AVE;
 Et quia non MARIA es solùm, sed DIVA MARINA,
 Sarmatico, opto, diu, perge præesse Mari.*

Serenissimæ Poloniarum Reginae
L V D O V I C Æ M A R I Æ
 Nomen ominum plenissimum.

Nomina cum Rebus, quàm bené conueniunt.

Nomina Magna dari, Magnis à Numine Magno,
 Nomen id, euge, Tuum, sat LVDOVICA probat;
 Nomen & Omen habes, formam mentemq̃ pudicam,
 LILIA sunt Gentis, Symbola pura, Tuæ;
 Candor inest labris, animus Tibi pulchrior; Vna
 Sisque licet, gemino, frons Tua, sole micat;
 O quot Tu Charitum vna VICES, pariterque Dearum
 Imples! ut possis dicere, LVDO-VICES;
 LVDO-VICES LVDOVICA refers; Ridet Venus; Ohe
 LVDE meas, inquit, Tu LVDOVICA, VICES;
 Regnorum Regumque VICES, quæ ludere nôsti,
 Olim Sarmatico, nupta Dianna, Ioui;

*Rursus Lechiaco cedis Lauinia Regi,
Sic iterum LVDIS, Tu LVDOVICA, VICES.
Ludere perge VICES, mundi sunt omnia ludus,
Sic LVDA S, si vis, vincere quasque VICES.*

*Occasione Serenissimæ Reginae, Regni Poloni, &
Coronæ Gallicæ, perpetuus amicitiae nexus.*

T*errarum Princeps, & rerum Gallia culmen,
In quam, translatum est Persidis omne decus;
Gracia cui collum submitit prona superbum,
Cui dedit & Macedum gloria victa manus;
Cui totum Imperium Romana potentia cessit,
Subdidit, & fasces Curia prisca suos;
In Regnum quoque Lechiadum concessit honorem
Magnum, quando dedit, Te LVDOVICA, Lechis;
Sed simul ingentes à nobis sumpsit, honores
Galliis facta Tuo, clarior Imperio;
Faxo, Te multum debere illi; sed & ipsa fatetur
Ingenue, quod plus, debeat illa Tibi;
Illa dedit siquidem Magno Te Principe natam,
At nunc Reginam, Gallia Temet, habet.*

Serenissima Regina, Nomine & Re MARIA.

M*agnorum Regum Coniunx, geniale, verendum,
A MARIA nomen, Magna Virago, tulit.
Ingens Nomen & Omen habet, Regina Lechorum,
Fata æquans, factis, nominis ipsa sui;
Vt MARIA, est Cynosura poli, splendorque, iubarque,
Sic Regina Lechis, est Cynosura, suis;
Sydera Diuiparam Matrem duodena coronant
Sedibus æthereis, quæis decorata micat;
Tempora, Reginae nostræ, diademata bina
Ornant, & duplex Regius ambit apex;
Insuper Astra quoque illius sunt, inclyta Virtus,
Et pura Integritas, & Pia Religio;*

Ergo

*Ergo Tuis gaude Titulis, non Nomine tantum;
Quam MARIAM, Lechiæ Regio magna colit;
Nominibus quod vtrumque tenes, sic spero futurum,
Si modo Nominibus, Nomen & Omen inest.*

Mulierem fortem quis inueniet. Prouerb. 31.

M*Illibus è multis, Salomon vix comperit vnā
Matronam, Titulis, & Pietate grauem;
Teque Nouus Salomon, CASIMIRVS, comperit vnā,
Que Princeps Mulier, nomine reque fores;
Accensis quamuis Orbem scrutère lucernis,
Diogenesq; suam det licet ipse facem;
Que Tibi sit similis, nulla est, LVDOVICA, Virago,
Queque Tuas valeat sustinuisse vices.
Plurima cum possis Rex, ast reperire secundam
Non potes; est Phenix, nam LVDOVICA Tibi.
Gallica, paciferum, in Lechiā, cui LILIA nidum
Strauerunt, Violæ, Cynnama, cumque Rosis;
Hinc illi suauis morum, & Pietatis odores,
Queis perfusa oleant, Lechica Regna, diu;
Vive igitur Felix Princeps Regina, vigeque
Tu Phenix Regi, LILIA, Tuque Lechis.*

Stemmata, vt plurimum Virtutum Insignia.

E*Minet insignis Pietas, Insignibus ipsis
Præmonstrata Domus, prôh LVDOVICA, Tuæ!
LILIA cana geris scuto, velut altera Iuno,
Mentis & ingenij Symbola clara Tui;
Et genus, & virtus, Orbem, Tua, replet vtrumque,
Nec Tua, iam nostræ, gloria, laudis eget;
Quod superest in vota iuuat conuertere laudes,
Inque preces rursus, vertere vota iuuat,
Euge diu, demissa polo, cupiaris ab Astris!
Queis pignus pro Te, LILIA sunt Tuæ.*

Serenissimæ Reginae
Geminum Nomen, Duorum Regnorum Omen.

B Ina Tibi, Dea dat, Nomen, LVDOVICA, MARIA,
Nec caret effectū, quod voluere Deæ;
Namq̃ VICES LVDIS, MARIAMQ̃, imitaris & ipsa,
Ex utroque simul, credideris esse Dea;
Te fortem, LVDOVICA, facit, Dominamq̃ Potentem,
Ast MARIÆ pietas, Te probat esse piam;
Bis meritum Diadema refers, duo Regna capeffis,
Magna Niuernana, Nympha Decusq̃, Domus;
Sic geminam effundis, gemino sub nomine, lucem,
Duplicis vt Regni, Te Dominam esse probes.

Illustre Nomen Serenissimæ Reginae perpetuum
Lucis ærarium.

T V MARIA haud voce tenus, nec nomine tantum,
Sed factis etiam, iure vocanda venis.
Es MARIA, illustrans Regnum, Regemq̃ue vicissim
Exhilaras vultu, sed pietate magis;
Perge auspex inferre Tuis noua lumina Lechis,
Spondet id Integritas, id Pietasque Tua.

Luminum & Florum, in Serenissimâ Reginaâ,
mutuum Consortium.

A MARIA quæ nomen habes; à luce vocari
Rectius o Princeps, tu LVDOVICA potes;
Nempe tuum, radijs ipsis, vel lumine Solis
Clarius est multò, feruidiusq̃ iubar;
Et quia bis gelidum Tu es transportata sub axem,
Dissoluet glaciem lux Tua, Sarmaticam;
Si tamen ad MARIÆ nomen, Tua LILIA iungis,
Hortus es, ô florens, & Dea Flora Lechis.

Nominis MARIANI affinitas, Beneficijs &
præstandis & accipiendis proxima.

VT factis imitère Deam, tibi Fata dederunt,
Christiparæ Matris, Nomina Sacra, Deæ;
Hac se MAGNIFICAM tùm re, tum nomine præstat;
Et tua Magnificum, Vox Pietasq̃ sonet;
Vtq̃ queat nostro citiùs succurere Regno,
Agnatam hanc Diuam, Tu LVDOVICA, rogâ;
Et quæ Reginam fecit, simul illa Parentem
Te faciat, Diuam, Tu LVDOVICA, pete,
Et faciet; si non cessas in vota precèsq̃,
Nam cognominis est, Virgo Beata, Tuâ.

Et Mores & Nomen Serenissimæ Reginae, flori-
dum Annum Polonis ominatur.

IN clypeo gestas Gallorum LILIA Princeps,
A MARIA rursus nomina Sacra trahis;
LILIA pura satis per se, nomenq̃ vicissim;
Nomen, & illa simul candidiora Rosis;
Regia Maiestas, castum cor, Gentis origo,
LILIA sunt; MARIAE, sed Rosa, nomen erit;
Este procul tristes hyemes, LVDOVICA Polonis
Perpetuam æstatem, Ver Roseumq̃ dabit.

In Serenissima Reginâ, Nominis & Generis
rara complexio.

PRincipibus Summis, Ducibus, quin Regibus orta,
Integritate omnes, nominibusq̃ refers;
Diceris atque ideo merito LVDOVICA, MARIA,
Numine ab æthereo, nomen utrumque trahens,
Absit bina Tibi, à cæco sint nomina, casu,
Aut Generis splendor, quò decorata nites;
Gloria se Tibi tota dedit, nil quærimus ultra,
Et Genus & Nomen, LILIA pura notant.

*Pro consanguineo, quæ gestas, Stemmata, prorsus
Cuncta hæc terrestrem, Te faciunt MARIAM;
Prædicat id de Te, clarum Nomenq; Genusq;
Qualisq; es, talem, Lechia Teq; colit;*

**Virtutum æquè ac Regnorum Auspicium, Serenissimæ
Reginæ, à Nomine MARIA, cælitùs destinatum.**

C*um Tibi sint intus, dotes, quæcunque Dynastis
Insunt, Regali es digna sedere Throno;
Iustitiæ Tibi zelus inest, deuotio feruens,
Feruendus, & Sanctæ Religionis, amor;
Cura Tibi rerum solers, vigilantia perpes,
Irrupta integritas, inuiolata fides;
Os cunctis blandum, miseris affabile semper,
Auxiliis inopum, semper aperta manus,
In summo; Pietas, Candor, Clementia fulget,
Inter virtutes, ô LUDOVICA, Tuas;
Auspicium hoc MARIÆ Nomen, Tibi Magna Virago
Ultro dedit, titulos, Regnaque bina dedit.
Imperiale Tibi est MARIÆ, ac Venerabile Nomen,
Nempe Tui, Numen, Nominis, Author erat.
Si quod es, esse velis, MARIÆ non segnis amatrix,
Cum MARIA fies, vita salusque Lechis.*

**Gallica Serenissimæ Reginæ LILIA, Noua Regni
Poloni sunt Sydera.**

S*chemate quæ niueo tria LILIA candida fulgent,
Sydera sunt Regni, Sydera suntque Tua;
Ausim ego, tres Solis, Veneris, Iouis esse Planetas,
Quæ Tua Maiestas, LILIA trina vocat;
Ergo cum veluti Stellas, Tua LILIA dico
Teque Polonorum, Magna Regina, Polum.*

**De tempore, quo Pallas Gallica, Marti Sarmatico, ma-
trimonio iungebatur, ad Serenissimam Reginam.**

Horrida

Horrida cum bella ingruerent, Sponsalia tecum
Rex C *CASIMIRVS* init, tractus amore Tui.
Rursus & instaret cum Bellum atrocius, urget
Idem Connubium, ut fœdera iungat Amor.
Ast ubi iam litui cecinerunt classica rauci,
Agminaque, agminibus, opposuere Duces.
Sub strepitu armorum, Rex Magnus, fœdera iungit,
Quid nisi, Tu Pallas, Rexque Gradivus erit?

Vnâ, Maiestas & Amor, iam, sede, moratur.

Imperij qui iusta negat connubia, nescit,
Quidue Throno, autue Toro (sors mala) pacis inest;
Dimidium solij perdit, viduata potestas,
Allenat at rerum pondera, compar amor;
Talis amor thalami est, qui pectora iungit utrinque,
Castus amor, Concors Gratia, Pura Fides;
Regnorum Regumque vices, Amor hicce maritat,
Atque Thronum, atque Torum, iungit & ille simul.
Et ne multa roges, *CASIMIRI* Regis amores
Conspice; cor cuius Regius ussit amor.
Et Fasces, & Cor casto submittit amori,
Consociat quando, Te *LVDOVICA*, sibi.
Ergo Maiestatem & Amorem Sede morari
Vnâ, qui negat, is, prôh animi impos erit!

Serenissima Regina, & à Stemmate, & à morum
suauitate amabilis.

Ouibz illicitis nos captas, Leckica Princeps!
Grandibus & signis, grandia corda rapis!
Vno iuncta simul video, Tria *LILIA*, scuto,
Regalis Genij, nobile Pegma, Tui;
Sic tribus à Superùm donis, *TER DONA* vocanda es,
Vtpote quam sequitur Gloria, Fama, Decus.
Nimirum hunc sequitur locuples opulentia Florem,
Magnanimum Pectus, Grande Cor, Ampla manus.

*Quæ tria; LILIA Junt, quæis Tu LVDOVICA nitescis.
Et compar flori, niteris esse, Tuo.*

Fæcundam Polonis Messem, Mantua spondet,

S*Tirps NIVERSI, ex Elysijs, translata viretis,
Sarmatici, interea planta beata, Soli;
Formosos, prægressa comis & vertice, flores,
Vernat sub gelido, planta beata, polo;
LILIA cumq; illà Vernant Regalia, tota
Instauratori planta dicata DEO;
In Paradisiacis prorsus generata rosetis,
Ex quo adeò suaves, balat odoris, opes;
Flos florum MARIA est; hæc ipsi Nominis author,
Quâq; rubente rubet, quâq; virente viret,
Hinc illi vernans Facies, candorq; pudicæ
Mentis, & hyblæis, Gratia mista, rosis.
Floret & augusto, Regina Modestia, vultu,
Maestas humeris, fragrat in ore lepos;
En quam fæcundis virtutibus Inchyta Princeps,
In Lechico fulget, Florida Diva, Throno.
Pulchra IAGELLONICÆ, reuirescit adorea, messis,
Hæc Regnante Deâ, Sarmatia hortus erit.*

Etiam in Poloniâ

----- Inscripti Nomina Regum

Nascuntur Flores. Virgil. Eglog. 3.

*LILIA sunt flores: Quales Regina Lechorum
Pro Natalitio Stemmata, picta gerit.
Floribus haud nocet his Aquilo, velturbida brumæ
Regna, colore nouo, semper odore nouo.
Horrida graminæ populatrix procul esto iuuentæ,
Arctoæq; Nives cedite; LILIA sunt,
Intemerata Lechum Regina, inscribenda coronæ
Sarmaticæ, Regi, LILIA grata, suo.
Insita sunt illi Regnorum Nomina, Regnis,
Floribus exq; istis, Regia Sceptra fluunt;*

*Non generant similes Pæstama Rosaria flores,
 Nec simili Pharius, flore superbit, ager,
 E GALLICANIS vernantia LILIA pratis,
 Quæ nunc Sarmaticus, LILIA, campus amat;
 Vt melius crescant Lechæum rursus in orbem
 Transplantata, nouas emeditantur opes.
 Auguror Augustos parient noua LILIA flores,
 Atque novos fructus, LILIA pura dabunt.
 Augur id, ô spondet Tuus Ales, MANTVA, nobis,
 Qui fuit armorum, fiet Amoris Auis.*

*Serenissima Regina, non Aquilarum tantum, sed Corde
 etiam Polonorum, gestari dignissima.*

D *luitibus quondam ramis, tulit aurea poma.
 Hortulus Hesperidum, Syluaq, Persephones;
 Inq, suis seruat pariter formosa viretis
 Quæ legat Hippomenes, aurea poma, Venus;
 Te pariter LVDOVICA Potens argentea stipant
 LILIA, Stemma simul, LILIA trina grauant;
 Nomina magna grauant, onerantque vocabula magna,
 Et grandes Tituli, non leue pondus habent.
 Neue grauent, Aquile dabimus gestanda, Lechorum,
 Pectore; Auis Lechiæ, Stemmata, Teque ferat;
 Hoc faciendum Amor in Dominam suadetque iubetques
 Vt quot onus fuerat, tempore fiat Honos.*

Serenissima Regina, Noua Pandora Poloniæ.

Q *Vale Palæstini fundunt Opobalsama rami,
 Et reddit, verno tempore, cultus ager;
 Qualiter herbosis spirant violaria campis,
 Albaque purpureis, Lilia mixta, rosis.
 Sic Tua Sarmatico non tantum fragrat in orbe
 Gloria, at Eois, Occiduisque plagis.
 Ex quo Regalis Tu facta es Sponsa, duorum
 Regum Sarmatiæ, facta simulque Dea es;*

*Quin noua Pandora, aut etiam Berecynthia Mater,
Cuius sic, duplex, corda maritat, Amor.*

*Et Genere & Stemmata, nemini in Europâ Prin-
cipum cedit.*

I*Vlia quâ se calitibus, quâ Claudia Diuis,
Flauia, quâ Superis, se domus inseruit;
Austria quâq; potens, quâ se Borbonia miscet
Numinibus, sese gens quoq; nostra beat;
N I V E R S I Princeps Regumq; Ducumq; propago,
In se quæcentum, continet vna, domos,
Auspex Sarmatico Regi sua fœdera iungit,
Connubioq; pari, pectora iungit amor,
Dotales, G O N Z A G A, Aquilas, nostratibus auget,
Et cupit ornari Desmate Leche, tuo;
Aequales tandem ut meritis ferat illa decores,
Assuetum Imperijs, tollit in astra caput.*

*Thronus & Torus, inter Mauortia arma, Pacis
otia parturiunt.*

Q*Væ noua, Prôh Superi! ferox excitat arma Gradivus!
Horrendum reboant tympana, sistræ, tubæ!
Flumina, telorumque seges succrescit & hastæ,
Passim bella tonant, indomitusque fragor.
Attamen inter tot motus, Bellona Sarissas
Deponit validas, otia pacis amat.
Classica permiscet Citharis, Thalamisque Trophæa,
Et Lituos calamis, prælia cumque choris.
Quin etiam exponi Geniali turre micantes
Ipse facies gaudet, dulcisonasque Lyras.
Fussit id impavidum pharetrati Numen Amoris,
Ut præsto fieret Connubialis Hymen.
Dulcis Hymen, Hymenæus Hymen; dum Sertæ Rosarum
Annumerat lucris, Martia Dina, suis.*

Bello-

*Bellorum genitrix se iunxerat ante Gradiuo,
 O MARIA; at Nubit, Rex CASIMIRE Tibi.
 Cumque illâ, pacem Mauors dispensat & arma,
 Pacis & armorum, fert LVDOVICA, Vices.*

**Votium Carmen, pro incolumitate Sere-
 renissimæ Reginæ, ad Diuam Claro-
 montanam.**

I*M**medicabilibus morbis MARIA mederi.*
Sola potest, vitæ, reddere semineces;
Namque illi extinxisse dedit, flammæque rogales,
Funcreasque faces, CHRISTVS *ἀλεξινὰν*
Tu quoque macte animo! veniet Regina Lechorum,
Hæc ipsâ à Diuâ, vita salusque Tibi;
Saltem quæ MONTI NOSTRO CLARISSIMA prostat,
Diua; Patrona Tua est, Nominis atque Tui.
Ælla Tibi spectanda; Salus amissa redibit,
Quæ Medici nequeunt, ista Virago dabit.
Viue ergo incolumis Regno, Regique, Lechisque,
Sospite Te, Regnum, REX quoque sospes erit.






REX EX VTROQVE.

STRINGITVR, AD BELLVM.



ERIGITVR, AD TRIVMPHV.

NVLLA SINE ARMIS, VICTORIA.



Serenissimo & Potentissimo
JOANNI CASIMIRO

POLONIÆ & SVECIÆ REGI,

NEC NON

LVDOVICÆ MARIÆ
GONZAGÆ,
POLONIÆ & SVECIÆ REGINÆ.

Inter Augustas, Vtriusque Maiestatis
Nuptias, Regio-Mantuanus Applausus.



*P*lerios circum latices & mæsta, sedebant
Gorgonei, tristes Musæ, monumenta, Caballi;
Non lauro insignes, nec cincta tempora Sertis,
Incompto capite omnes, prorsus sparsa comarum
Cæsaries, tetricæ, feralia plectra, Sorores
Tendebant, letæque olim, viridantia Cirræ
Mæstissimo implebant ululatus culmina, Nymphæ;
Cuiuslibet & gemini fuerant duo lumina fontes,
Auctus ut his abeat lachrymarum, fontibus amnis,
Qui tumultu REGIS VLADSLAI perpluat; Eheu
Sors violenta nimis, nimium tristissima rerum
Effigies, rigidiq, tenor tristissime Fati!
Tandem Maxima Musarum talem edidit ore
Vocem; Prôh Lechicis Magnus VLADSLAVS ab oris
Abscessit, splendor Lechiæ, tutela, salusq;
Hinc nobis gemitus, Lachrymæ, suspiria, fletus,
Hoc querimur, raptum Regemq, decusq, Polonum,
VLADSLAI ad tumultu; (Magnus dolor urget amantes)
VLADSLAE, si quis Regum maxime, funere acerbo
Ergo cadis? Dolor! heu dolor ingens! omnia tecum
Heu periëre simul Regni decora, omnis ademptus

Flos Regno, belli tristis fragor omnia complet,
 Voluitur & tragicos malesana Cupido per astus
 Armorum, omnia cade madent, furor omnia miscet:
 Consilio hostiles, virtute, animoq; Phalanges
 Fundere qui possit, telum contraq; rebelles
 Stringere, nullus adest; Hæc nos hæc cura remordet,
 Quotquot Pierio residemus culmine Nymphae.
 Talia dum Musæ geminant Heliconis ad undas,
 Luctus ubiq; sonat, valles, collesq; supini,
 Antra, nemusq; dolent; Ingens stat lactus ubique.
 Ecce serenato, geminus volat, æthere, Nuntius,
 Alter Apollo fuit, fuerat Cyllennius alter,
 Ora humerosq; Dij, quorum Cyllennius alis
 Candet, & exornat niueas penna aurea plantas,
 Aurea purpure amq; simul subterminat vestem
 Fibula, odorifera circum radiabat abolla,
 Atque loco virga, candentia Lilia dextrâ
 Prætulit, Hesperijs ô multo candidiora Rosetis!
 Alter Nuntius, auricomus quoque tectus amictu,
 Cum Citharâ, dulci, aureolam, radiante sagittâ
 Gestabat manibus, rutilo super ambo galero,
 Ambo Dionæâ præcincti tempora Myrto;
 Obstupuere Deæ, lachrymas gemitusq; nefandos
 Præcidere suos, nituere Heliconia prata.
 Tum sic mellisflui natus facundus Athlantis
 Ore inquit: Cessate queri, cessate Camenæ,
 Leta fero mœstis, fero leta, attendite Musæ.
 Maximus Æthereæ cuius sum Nuntius aula
 Arbiter, eterno fatorum ex ordine, latas
 Spes reuehit Lechis, reuehit solatia fessis
 Cladibus, & bello; redeunt noua gaudia Lechis,
 En iam victrices felix coniunctio gentes
 Copulat, unde salus Patriæ est speranda labanti,
 Pignora connubij, fient certissima pacis
 Fœdera, telorumq; seges decrescet in alma
 Pacis adoreas, cupidus sua bella Gradivus
 Cepta retractabit, quæ circinat ira rebellis,
 Asperat aut quas ab rabiosa proteruia clades!

Ne quid-

Ne quidquam pharetras, & spicula, missile telum
 Kozacy expedient, furiosos linquet Erynnis
 O tandem, bellique furor! Nil mille procaces
 Insidiaeque dolique, (fremunt licet,) usque nocebunt.
 Pacatus Mauors, ciuilia damna, ruinae
 Eximet, & pura solio clementior hasta
 Prodigit, facietque tubas & cornua rauca
 Esse procul, contos, strictos gladiosque, sporosque
 In iugulum Patriae, comitata securibus ira
 Cessabit, Bellona suos extinguet & ignes.
 Laureae paciferæ, reuirescent pignora, Oliuæ,
 Aurea Lechiacis habitabunt secula terris.
 Augur ego, hoc spondent vernantia LILLA, dextrâ
 Quæ fero, Regalisq; simul de Stirpe MANIPULVS,
 Tot Pacis spicis radians, quot surgit Aristis,
 Victrici SCIRPO candentia LILLA neclit,
 Fœdere connubij, ipse DEVS.

Talia iactanti, subiecit talia Chio;
 Mirarefers, ô Nate louis, letissima pandis
 Nuntia, quæ Magni & solatia maxima luctus
 Credimus; At quisnam hic Heros? quis dicito Sponsus?
 Sponsaue, quæ? quibus iniecit noua vincula virtus?
 Et quæis felices promittunt fata fauores?
 Signa quidem scimus Regalia, signa Trophæis
 Quæque virent, gazis facunda, & diuite cornu;
 Nosse auct ast animus Sponsos, quâ stirpe sub auras
 Æthereas illos produxit Iuppiter equus?
 Quoué polo nati, quos sic sors equa secundat!
 Tum Maia genitus; vestri olim gloria cætus,
 Vestri cura chori, Vestri, CASIMIRVS, Amores;
 REX Magnus, similis Diuis, genitusque Deabus.
 Magna sedet vultu, cum Maiestate venustas,
 Et grauis Augustâ pellucet gratia fronte.
 Immortale decus, decorat, fameque perennis
 Heroem splendor, Maiorum & nomen honestat.
 Regia forma illi, Regalis totus & ipse
 Princeps, Magnus Amor Regni, splendorque iubarque,
 Lechicus Alcides, Europeique coluri.

Orbis Hyperborei clarus Sol, gloria Lechum
De IAGELLONICA prognatus stirpe MANIPLVS;
Desmate Regali, stringens Diademata bina;
Aurea lux, magni nitidissima stella Trionis,
Auspicio fausto, Imperis praefectus auitis,
Purpureos inter Reges, cui flagrat honesto
Pectus amore, cui Augusto sub pectore Maiores
Pulchra rudimenti conclusu Schemmata, cuius
Spicula vittrices Lauri, Palmaeque virentes
Arma coronabunt.

O quantus Lechico fulgebit in Orbe! vetustos
Cum CASIMIROs, noua per momenta recentes,
Factorumque notas reuocabit! Marte Secundo
Gesta Patris referet, virtutis imagine viuâ,
Et VLADISLAI Fratris transmittet, in, eum
Nomen, IAGELLONIS opes, roburque Graduum,
Longa hunc Posteritas Et secula sera stupefcent.

Hoc Gentilitium illi spondet Stemma, MANIPLVS,
Ut numeret fastos, per Regia facta, Trophæis
Diues, Et aethereo figat sua gesta Colosso.

Talis hic est Sponsus, tranquille Pacis honore
Praclarus, belloque simul, qui Sospes Et Auspex
Connubio Lechis creat, Et noua gaudia caelo;
Reginam quando, Lechicis sibi iungit in oris,
Et GALLICANO caeloque soloque profectam,

O quantum haec quoque DIVA Lechos recreabit! odoris
Stemmatibus fulgens, cui candida LILIA gentis
Dant decus, Et rosis asflatibus arma serenant,
LILIA Sarmatico multum dilecta Trioni,
Cumque suis AQVILIS, quas Martia MANTV A mittit
Orbi Lechiadum, ut renouet noua fœdera secum.

Quare age docta cohors, funestam linque Cupressum,
Non decet Aoanias hodie lugere cohortes,
Promite plectra manu, Genialia promite metra,
Et SPONSV M Et SPONSAM Metricis recreate susurris.

Dixit, Et arrisu leni, merore soluta
Castalides, vultum attollunt: Nam luce serenâ
Cynchius irradiat cunctas; Mens omnibus una,

Protinus immemoresque sui, plausere, doloris :
 Ac veluti exorians, raptos de nocte colores
 Dum Sol restituit rebus, lucemque refundit ;
 Omnia letantur, pecudes, pictæq; volucres,
 Surgenti applaudunt Phæbo, Solemque salutant.
 Sic geminus sonuit collis, sic gestijt Aon,
 Sic Driades gausæ ; ut Delius ora resoluit,
 Conticuere omnes, intentæque ora tenebant.
 Qui sic exorsus : Sponsum Cyllennius iste
 Pan cecinit, Sponsam celebrabo, audite Sorores :
 Nuper in æthereis multorum vota precantùm
 Sedibus exposita, Et votis suspiria mista ;
 Ecquenam Regi in Sociam Sceptri que Torique
 Cedere Sarmatico possit ? quæ fœdere iungi ?
 Res perplexa fuit, nam quorum vota fuere,
 Hos omnes cunctorum Rex hominumque, Deumque
 Acciri subito iussit, Diuosque vocari.
 Tum sic æternus Solio Pater, inquit, ab alto ;
 Empyreï Proceres, multorum vota precesque
 Sæpius ad nostras accedunt, cernitis, aures ;
 Poscitur à nobis cælis promissa virago,
 Lechiadum expetitur Regis spes altera gentis,
 Ingens multorum Regumque Ducumque propago,
 Nominis excelsi Princeps LVDOVICA, MARIA,
 GALLICANIS digressa plagis, sunt LILIA præsto
 LILIA Sarmatica, radio inscribenda, Corone ;
 Et Gentis, Generisque decus, candentis Amoris
 Flos insigne nitet, Genitalia Stemmata DIUAM
 Circumstant, AQVILÆ pariter, quas MANTVA eidem
 Sanguine cum Patrio dedit, haud sine Numine Diuum ;
 Hinc Fasces tituli que fluunt, micat agmen Honorum,
 Quos Proavi gessere Deæ ; decor omnis adornat
 Regalem Sponsam, circumnatat ignis in ore,
 Viuaque per roseos incedit purpura vultus ;
 Maestas humeros, placidam Clementia frontem
 Ipsius irradiat, possedit pectora candor ;
 Hanc Dictynna Soror, comitem delegerit unam ;
 Huic Dictynna Soror, Comitem non se esse negarit ;

Syderibus certant oculi, sed purpura labris
Candidulis, Pestana Genis opulentia cedit,
Quidquid forma homini potuit concedere, quidquid
Seu pratis Zephyri donant, seu equora gemmis,
Unius id facies extinxerit HEROINÆ:
Tot nunquam credo Charites, Cythereia vidit
(Tres nempe illa tulit) MARIAM quot cingere cernas;
Turba venustatum longo ordine, turba leporum
Adsunt LVDOVICÆ, parat hanc Deus ille Maritam,
Quod si diuitias animi, si dona pudici
Pectoris exponam? vel casta Pallade natam
Quisquam crediderit, vel Palladis esse gemellam,
Maior ei sexu prudentia, maior & annis

Huic Tali & Tante Heroine Rex CASIMIRVS
Non Fasces tantum Regni, aut Diadema; sed vltro
Pectoris Heroi, facilem submittit amorem;
Ergo quisquis Connubio huic fauet, omine fausto
Jam faueat, stabili iungantur fœdere dextre;
Adsit dulcis Amor, Pax aurea iungat Utrosque.
Adjiciens AQVILAS AQVILIS, & LILIA, SCIRPO;
Sic in perpetuum maneant; sint Stemmata semper
Florida, REX pariter viuat, REGINA vicissim
OVIVANT! cœptis non desit. Fascibus Heres;
Augustis Sceptris volitent, per utrumque Trionem
Viuat Hymen, Hymeneus Hymen, sint Regia cura
Flli Coniugia, aeternum victura Polonis.
Sic volumus. Quidnam placeat? Depromite Patres,

Assurgunt omnes venerabundique. Tonantem
Sectantur longo assensu, repetuntque frequentes;
Felices viuant, REX & REGINA Polonum,
REX CASIMIRVS, Io, Coniunxque, decusque, iubarque,
Sit REGINÆ; REGI sit LVDOVICA vicissim!

Hinc à Concilio celestium interpres uterque
Iussus abire. Placet vinclis socialibus ambos
Stringere, quos iam iunxit Amor; Mox Ara peractum
Connubij firmavit opus; simul Annulus auro
Cognatas Regum animas, felicit in Orbem
Iunxit amicitie; Regum Sacra fœdera, Regnum,

Accepit,

Accepit, Natale solum fortunaque Lechi,
 Reginas AQVILAS & GALLIGALILIA, Reges
 Detulit in placidi conclave Tori Thronique.
 Jamque quod audistis: Nupta haec fit; Rexque Maritus;
 REX Lechia Sponsus, Sponsa est LVDOVICA MARIA.
 Jamque adsis Lucina Toris, properate Camena,
 Cernite quos geminant turrita Palatia plausus,
 Autue quibus modulis, Regum VARSAVIA Nutrix
 Personat, Aoniâ circum applaudente cateruâ
 Lechiacas afflante Lyras, & barbita calo.
 Jamque abeo, cantuque vocor, vocor atque Hymenao;
 Vos hic interea geminate Thalassio, Muse,
 Dicite Hymen Citharis, Hymen, ô Hymen, Hymenae!
 Hæc ubi dicta dedit; Doctæ plausere Sorores;
 Et postquam ter Hymen, ter postquam Hymenae dederunt,
 Pegaseo extinctos, lauerunt flumine, fletus;
 Phæbique exemplo, properant Cithereia Serta,
 Myrthea Serta manu texunt, Citharasque reposcunt,
 Instruæque Choris, Driadum iunctæque choreis,
 Letitiæ in signum, manibus dant, LILIA, plenis,
 Ingeminant leto faustos Helicone Triumphos.
 Pulcher Hymen, Hymenæe Hymen, Hymenæe venito;
 Nunc Ver Liliferum, nunc formosissimus Annus
 Aduenit, & per odoratas Nardosque Rosasque,
 Et flores Hiacynthe tuos, per florida præta
 Vadit ouans, viridemq; vehit per Nubila Maium,
 Floricomo Temone sedens, frangitque lupatis
 Alipedes Roseis, tondentes gramina morsu.
 Approperant estatis opes, & florea Messis,
 Et decus herbosum, reuirescit gloria flore,
 Totaque purpureis spatiatur Gratia pratis;
 LILIA dum noua, per campos vernare Polonos
 Flora videt, vernantia LILIA; quæ LVDOVICA
 Spargit Hyperboreas latè Regina per Oras,
 Connubioque suo suspensum detinet Orbem.
 Magna CASIMIRI Consors, Sceptribus Torique,
 Quam per Connubium hocce nouum, optat Lechia gratans
 Aeternam CASIMIRE Tibi, cupit atque Corona

*Sarmatica. O VIVAT Tecum Illa, in Nestoris ævum,
Atque suos placidos in Te transfundat Amores.
Spernque Tibi Regni, Leichuum producat lulum,
De nostris Annis Vobis Iupiter augeat annos!*

AVSPEX AVGVRIVM
Serenissimo Regi, fauente cælo, Re-
gale Connubium ineunti.

Porrige REX Generose, manum, da Fata videri,
Experiar quali fidere natus eras?
Linea meridiem spectans, est linea Martis;
Recta secat Lunam; quæ retro versa Iovem;
Da Saturne duos digitos; vbi linea transit,
Quæ non stante procul pollice, tangit opes;
Martem prima notat: Sterilem vetat esse secunda,
Tertia Regna vouet, viuere quarta cupit;
I Fortunatus per Regia facta, Trophæis
Palmatas numera, vindice pace, Togas;
LILIA iuncta Tvo SCIRPO, hæc dant omina nobis,
Victorem cupiunt, Teq; Lechosque, Tuos;
Tandem perpetuos generabit gloria Lauros,
Nam CASIMIRE Tibi, Numen & astra, fauent.

Lector Beneuole.



Vcusq; licuit nobis Pompæ Connu-
bialis, SERENISSIMARVM MAIE-
STATVM, non tam laudatores, quàm
potius veneratores esse. Vltèriùs pro-
cedere, Eremitica non concedit Pallas. Si quid in
pcsterum (prout iam Pacis vel Victoriæ futuræ,
sub

sub adeò Fortunatissimis Principibus certa capta-
mus omina) Regno, Regiꝑ; Nostro, felicitatis Pu-
blicæ accesserit, pro complemento speratæ fospiti-
tatis, Religiosum nos quoque applausum, conferre
haud tardabimus. Quod si forte & Mars, Arma
de nouo conclamabit; arma & nos Orationum
protinùs arripere, atq; nosmet ad umbras Eremiti-
cas recipere nō grauabimur. Faxit attamē, Aeter-
na illa Mens, vt sicut nuper, stante hāc Nuptiarum
celebritate, Serenissimus Gradius Noster Lechic⁹,
abiit in Narcissum; Bellona in Floram; Spicula in
Lilia; Hastæ etiam in Rosas mutatæ fuerant : ita
eodem DEO Auspice, vt inter rubentes Galearum
cristas, floridus Triumphorum assurgat apex; inter
ferreos bellorum apparatus, Victoriarum vernet
Gratiā; & deniq; inter hastas hostili sanguine roran-
tes, emicent triumphalia Lilia; Hæc, inquam, omnia
& singula, vt prosperè eueniant, suppliciter preca-
mur & apprecamur vniuersi ; atque pro æterno
anathemate, Sacris, Diuinissimæ Diuæ Nostræ,
postibus, è voto totius Reipublicæ Polonæ, parta
quæuis, de Hostibus in futurum Trophæa, nos fide
bonā affixuros, pollicemur.

Da id ô DEVS! da id ô CHRISTE! Fidelissimā Interuentrice
DIVINISSIMA DIVA NOSTRA
CLAROMONTANA.



Ms. A. 1. 6.

